

Jueves 27 de Septiembre de 1894.

---



# BOLETÍN ECLESIAÍSTICO

DEL

# OBISPADO DE SALAMANCA

---

NÚMERO EXTRAORDINARIO

---

## SUMARIO

- I. Encíclica de Su Santidad sobre el Santísimo Rosario.—II. Circular del Obispado organizando los estudios superiores en Salamanca.—III. Real orden del Ministerio de Fomento para que los becarios puedan ampliar sus estudios en el Colegio de Estudios Superiores de Salamanca.—IV. Circular de la Secretaría de Cámara dictando reglas para los cultos del rosario durante el mes de Octubre.
- 

SANCTISSIMI DOMINI NOSTRI

LEONIS

DIVINA PROVIDENTIA

PAPAE XIII

EPISTOLA ENCYCLICA

AD PATRIARCHAS PRIMATES, ARCHIEPISCOPOS, EPISCOPOS ALIOSQUE  
LOCORUM ORDINARIOS

PACEM ET COMMUNIONEM CUM APOSTOLICA SEDE HABENTES

---



## DE ROSARIO MARIALI

---

VENERABILIBUS FRATRIBUS PATRIARCHIS PRIMATIBUS  
ARCHIEPISCOPIS ET EPISCOPIS ALIISQUE LOCORUM ORDINARIIS  
PACEM ET COMMUNIONEM CUM APOSTOLICA SEDE HABENTIBUS

LEO PP. XIII

**VENERABILES FRATRES**

SALUTEM ET APOSTOLICAM BENEDICTIONEM

Jucunda semper expectatione erectaque spe Octobrem mensem conspicimus redeuntem; qui, hortatione et praescripto Nostro dicitur Virgini Beatissimae, non paucos jam annos concordi per catholicas gentes et vivida ROSARII floret pietate. Quae Nos ad hortandum moverit causa, non semel ediximus. Nam calamitosa Ecclesiae civitatumque tempora quum praesentissimum Dei auxilium omnino deposcerent, hoc nimirum Matre ejus deprecatrice implorandum esse censuimus, eoque praecipue supplicandi ritu contendendum, cujus virtutem christianus populus numquam sibi non saluberrimam sensit. Id enim vero sensit et ipsa marialis Rosarii origine, tum in fide sancta a nefariis tutanda incursibus hominum haeticorum, tum in consentanea virtutum laude, quae per saeculum corrupti exempli revelanda erat et sustinenda: idque perenni sensit privatim et publice beneficiorum cursu, quorum memoria praeclaris etiam institutis et monumentis ubique est consecrata. Similiter in aetatem nostram, multiplice rerum discrimine laborantem, fructus inde salutare provenisse commemorando laetamur: attamen circumspectantes, Venerabiles Fratres, videtis ipsi causas adhuc insidere partimque ingravescere, quamobrem hoc item anno obsecrandae caelestis Reginae ardor, Nostra exhortatione, vestris in gregibus excitetur. — Accedit quod, intima in Rosarii natura cogitationem defigentibus, quanto Nobis ejus praestantia utilitatesque illustrius apparent, tanto acuitur desiderium et spes, posse adeo commendationem Nostram, ut ejusdem sacratissimae precis religio, aucta in animis cognitione et amplificata consuetudine, optimis vigeat incrementis. Cujus rei gratia non ea quidem revocaturi sumus quae superioribus annis varia in eodem genere ratione libuit edisserere: illud potius ad consideran-

dum docendumque occurrit, qua divini consilii excellentia fiat, ut, ope Rosarii, et impetrandi fiducia in animos precantium suavissime influat et materna in homines almae Virginis miseratio summâ benignitate ad opitulandum respondeat.

Quod Mariae praesidium orando quaerimus, hoc sane, tamquam in fundamento, in munere nititur conciliandae nobis divinae gratiae, quo ipsa continenter fungitur apud Deum, dignitate et meritis acceptissima, longeque Caelitibus sanctis omnibus potentia antecellens. Hoc vero munus in nullo fortasse orandi modo tam patet expressum quam in Rosario; in quo partes quae fuerunt Virginis ad salutem hominum procurandam sic recurrunt, quasi praesenti effectui explicatae: id quod habet eximium pietatis emolumentum, sive sacris mysteriis ad contemplantum succedentibus, sive precibus ore pio iterandis.—Principio coram sunt GAVDII mysteria. Filius enim Dei aeternus sese inclinat ad homines, homo factus; assentiente vero Maria et *concupiente de Spiritu Sancto*. Tum Joannes materno in utero *sanctificatur* charismate insigni, lectisque donis *ad vias Domini parandas* instruitur; haec tamen contingunt ex salutione Mariae, cognatam divino afflatu visentis. In lucem tandem editur Christus *expectatio gentium*, ex Virgine editur; ejusque ad incunabula pastores et magi, primitiae fidei, pie festinantes; *Infantem inveniunt cum Maria Matre ejus*. Qui deinde, ut semet hostiam Deo Patri ritu publico tradat, vult ipse in templum afferri; ministerio autem Matris ibi *sistitur Domino*. Eadem, in arcana Pueri amissione, ipsum anxia sollicitudine quaeritat reperitque ingenti gaudio.—Neque aliter loquuntur DOLORIS mysteria. In Gethsemani horto, ubi Jesus pavet maeretque ad mortem, et in praetorio, ubi flagris caeditur, spinea corona compungitur, supplicio multatur, abest ea quidem Maria, talia vero jamdiu habet cognita et perspecta. Quum enim se Deo vel ancillam ad matris officium exhibuit vel totam cum Filio in templo devovit, utroque ex facto jam tum consors cum eo extitit laboriosae pro humano genere expiationis: ex quo etiam, in acerbissimis Filii angoribus et cruciamentis, maxime animo condoluisse dubitandum non est. Ceterum, praesente ipsa et spectante, divinum illud sacrificium erat conficiendum, cui victimam de se generosa aluerat; quod in eisdem mysteriis postremum flebilis obversatur: *stabat juxta Crucem Jesu Maria Mater ejus*, quae tacta in nos caritate immensa ut susciperet filios, Filium ipsa suum ultro obtulit justitiae divinae, cum eo commoriens corde, doloris gladio transfixa.—In mysteriis denique GLO-

RIAE quae consequuntur, idem magnae Virginis benignissimum munus confirmatur, re ipsa uberius. Gloriam Filii de morte triumphantis in tacita delibata laetitia: sedes autem superas repetentem materno affectu prosequitur; at, caelo digna, detinetur in terris, exorientis Ecclesiae solatrix optima et magistra, *quae profundissimam divinae sapientiae, ultra quam credi valeat, penetravit abyssum* (1). Quoniam vero humanae redemptionis sacramentum non ante perfectum erit quam promissus a Christo Spiritus Sanctus advenerit, ipsam idcirco in memori Cenaculo contemulamur, ubi simul cum Apostolis pro eisque postulans inenarrabili gemitu, ejusdem Paracliti amplitudinem maturat Ecclesiae, supremum Christi donum, thesaurum nullo tempore defecturum. Sed cumulato perpetuoque munere causam nostram exoratura est, ad saeculum immortale progressa. Scilicet ex lacrimosa valle in civitatem sanctam Jerusalem evectam suspicimus, choris circumfusus angelicis: colimusque in Sanctorum gloria sublimem, quae stellanti diademate a Filio Deo aucta, apud ipsum sedet regina et domina universorum.—Haec omnia, Venerabiles Fratres, in quibus *consilium Dei* proditur, *consilium sapientiae, consilium pietatis* (2), simulque permagna in merita Virginis Matris, elucent, neminem quidem possunt non jucunde afficere, certa spe injecta divinae clementiae et miserationis administrâ Maria consequendae.

Eodem spectat, apte concinens cum mysteriis, precatio vocalis. Antecedit, ut aequum est, dominica oratio ad Patrem caelestem: quo eximiis postulationibus invocato, a solio majestatis ejus vox supplex convertitur ad Mariam; non aliâ nimirum nisi hac de qua dicimus conciliationis et deprecationis lege, a sancto Bernardino Senensi in hanc sententiam expressa: *Omnis gratia quae huic saeculo communicatur, triplicem habet processum. Nam a Deo in Christum, a Christo in Virginem, a Virgine in nos ordinatissimi dispensatur* (3). Quibus veluti gradibus, diversae quidem inter se rationis, positae, in hoc extremo libentius quodammodo longiusque ex instituto Rosarii insistimus, salutatione angelica in decades continuata, quasi ut fidentius ad ceteros gradus, id est per Christum ad Deum Patrem, nitamur. Sic vero eandem salutationem toties effundimus ad Mariam, ut

(1) S. Bernardus, de XII praerogativ. B. M. V. n. 3.

(2) S. Bernardus, serm. in Nativ. B. M. V. n. 6.

(3) Serm. VI in festis B. M. V. de Annunc. a. I, c. 2.

manca et debilis precatio nostra necessaria fiducia sustentetur; eam flagitantes ut Deum pro nobis, nostro velut nomine, exoret. Nostris quippe vocibus magna apud illum et gratia et vis accesserit, si precibus Virginis commendentur: quam blanda ipsemet invitatione, compellat: *Sonet vox tua in auribus meis; vox enim tua dulcis* (1). Hanc ipsam ob rem toties redeunt praedicata a nobis quae sunt ei gloriosa nomina ad impetrandum. Eam salutamus, quae *gratiam apud Deum invenit*, singulariter ab illo *plena gratia*, cuius copia ad universos proflueret: eam, cui Dominus quanta maxima fieri possit conjunctione inhaeret, eam, *in mulieribus benedictam*, quae *sola maledictionem sustulit et benedictionem portavit* (2), beatum ventris sui fructum, in quo *benedicentur omnes gentes*: eam demum *Matrem Dei* invocamus; ex qua dignitate excelsa quid non *pro nobis peccatoribus* certissime exposcat, quid non speremus in omni vita et in agone spiritus ultimo?

Hujusmodi precibus mysteriisque qui omni diligentia et fide vacaverit, fieri certe nequit ut non in admirationem rapiatur de divinis in magna Virgine consiliis ad communem gentium salutem; atque alacri gestiet fiducia sese in tutelam ejus sinumque recipere, ea fere sancti Bernardi obstentatione: *Memorare, o piissima Virgo Maria, numquam auditum a saeculo quemquam ad tua currentem praesidia, tua implorantem auxilia, tua petentem suffragia esse derelictum.*

Quae autem est Rosarii virtus ad suadendam orantibus impetrationis fiduciam, eadem pollet ad misericordiam nostri in animo Virginis commovendam. Illud est manifestum quam sibi laetabile accidat, videre nos et audire dum honestissimas petitiones pulcherrimasque laudes rite nectimus in coronam. Quod enim, ita comprecando, debitam Deo reddimus et optamus gloriam; quod nutum voluntatemque ejus unice exquirimus perficiendam; quod ejus extollimus bonitatem et munificentiam; appellantes Patrem ac munera praestantissimum indigni rogantes: hisce mirifice delectatur Maria, vereque in pietate nostra *magnificat Dominum*. Digna siquidem precatione alloquimur Deum quum oratione dominica alloquimur.—Ad ea vero quae in hac expetimus, tam per se recta et composita, tamque congruentia cum christiana fide, spe, caritate, addit pondus commendatio quaedam, Virgini quam gratissima. Nam cum voce nostra vox

(1) Cant. II, 14.

(2) S. Thomas op. VIII, *super salut. angel. n. 8.*

ipsa consociari videtur Jesu Filii; qui eandem orandi formulam conceptis verbis tradidit auctor; praecepitque adhibendam: *Sic ergo vos orabitis* (1). Nobis igitur talem praeceptionem, Rosarii ritu, observantibus propensiore illa voluntate, ne dubitemus, officium suum, solliciti amoris plenum, impendet; haec autem mystica precumserta facili ipsa vultu accipiens, bene largo munerum praemio donabit.— In quo, ut liberalissimam bonitatem ejus certius nobis polliceamur, non mediocris causa est in propria Rosarii ratione, ad recte orandum perapta. Multa quidem et varia, quae hominis est fragilitas, orantem avocare a Deo solent ejusque fidele propositum intervertere: at vero qui rem probe reputet, continuo perspiciet quantum in illo efficacitatis insit, quum ad intendendam mentem et socordiam animi excutiendam, tum ad salutarem de admissis dolorem excitandum educendumque spiritum in caelestia. Quippe ex duobus, ut percognitum est, constat Rosarium, distinctis inter se conjunctisque, meditatione mysteriorum et acta per vocem precatione. Quocirca hoc genus orandi peculiarem quamdam hominis attentionem desiderat; qua nimirum, non solum mentem ad Deum modo aliquo dirigat, verum in rebus considerandis contemplandisque ita versetur, ut etiam documenta capiat melioris vitae omnisque alimenta pietatis. Neque enim iisdem rebus majus quidquam aut admirabilius est, in quibus fidei christianae vertitur summa; quarum lumine ac virtute, veritas et justitia et pax, novo in terris rerum ordine laetissimisque cum fructibus, processerunt.—Cum hoc illud cohaeret, quemadmodum eadem res gravissimae cultoribus Rosarii proponantur; eo videlicet modo qui ingeniis vel indoctorum accommodate conveniat. Est enim sic institutum, non quasi proponantur capita fidei doctrinaeque consideranda, sed potius veluti usurpanda oculis facta et recolenda: quae iisdem fere atque acciderunt locis, temporibus, personis, oblata, eo magis tenet animos utiliusque permovent. Quod autem haec a teneris vulgo sunt indita animis et impressa, ideo fit ut, singulis enunciatis mysteriis, quisque vere est orandi studiosus, nulla prorsus imaginandi contentione, sed obvia cogitatione et affectu per ea discurrat, abundeque sibi imbibat, largiente Maria, rorem gratiae supernae.—Alia est praeterea laus quae acceptiora apud ipsam ea sertafaciat et praemio digniora. Quum enim ternum mysteriorum ordinem piâ memoria replicamus, inde testator a nobis extat gratiae

---

(1) Matth. VI, 9.

erga ipsam affectio voluntatis; ita nimirum profitentibus, nunquam non expleri beneficiorum recordatione, quibus salutem ipsa nostram inexplebili est caritate complexa. Tantarum autem monumenta rerum frequenter in ejus conspectu diligenterque celebrata, vix adumbrare cogitando possumus quali beatam ipsius animam usque novae laetitiae voluptate perfundant, et quos in ea sensus exsuscitent providentiae beneficentiaeque maternae. Atque adeo ex iisdem recordationibus consequitur, ut imploratio nostra vehementiorem quemdam ardorem concipiat et vim induat obsecrandi: sic plane, ut quot singulatim revolvuntur mysteria, totidem subeant obsecrationis argumenta, sane apud Virginem quantopere valitura. Nempe ad te confugimus, sancta Dei Parens: miseros Hevae filios ne despexeris! Te rogamus, Conciliatrix salutis nostrae aequae potens et clemens; te, per suavitatem gaudiorum ex Jesu Filio perceptam, per dolorum ejus inexplicabilium communionem, per claritudinem ejus gloriae in te redundantem, enixe obsecramus; eja nos, quamvis indignos, audi benigna et exaudi.

Vobis igitur, Venerabiles Fratres, Rosarii marialis praestantiâ, duplici quoque ex parte quam laudavimus, considerata eo fiat apertius cur non desinat cura nostra idem inculcare, idem provehere. Caelestibus auxiliis, quod initio monuimus, majorem quotidie in modum indiget saeculum praesertim quum late sint multa quibus afflicta Ecclesia, juri suo libertatique adversis; multa quae civitatibus christianis prosperitatem et pacem funditus labefactent. Jamvero ad ea demerenda auxilia spem Nos plurimam in Rosario habere sitam, rursus affirmateque profitemur. Utinam sanctae huic pietati pristinus ubique honor, secundum vota, reddatur: haec in urbibus et villis, in familiis et officinis, apud primores et infimos, admetur et colatur, non secus ac praeclara christianae professionis tessera, optimumque praesidium divinae propitiandae clementiae.--Quod quidem in dies impensius urgeant omnes oportet, quando impiorum vesana perversitas nihil jam non urget machinando et audendo ut divini Numinis iram lacessat justaeque animadversionis trahat pondus in patriam. Inter ceteras enim causas, hoc dolent Nobiscum boni omnes, in sinu ipso gentium catholicarum nimium esse multos, qui contumeliis religioni quocumque modo illatis laetentur, ipsique, incredibili quadam licentia quidlibet evulgandi, in id videantur incumbere ut sanctissimas ejus res exploratamque de Virginis patrocinio fiduciam in contempionem et ludibrium multitudinis vocent. Proxi-

mis hisce mensibus, ne Christi quidem JESU Servatoris personae augustissimae temperatum est. Quam rapere in illicebas scenae, jam passim contaminatae flagitiis minime puduit, eandemque referre propria deminutam naturae divinae majestate; qua detracta, redemptionem ipsam humani generis tolli necesse est. Neque puduit velle a sempiterna infamia hominem eripere, sceleris reum perfidiaeque summâ post hominum memoriam immanitate detestabilis, proditorem Christi.—Ad haec, per Italiae urbes vel patrata vel patranda, indignatio universe commota est, acriter deplorantium sacerrimum jus religionis violatum, in eaque gente violatum, oppressum, quae de catholico nomine in primis meritoque gloriatur. Tum vigili Episcoporum sollicitudo, perinde ac oportebat, exarsit: qui expostulationes aequissimas ad eos detulerunt quibus sanctum esse debet patriae religionis tueri dignitatem, et greges suos non modo de gravitate periculi admonuerunt, sed etiam hortati sunt ut nefarium dedecus Auctori amantissimo salutis nostrae singularibus religionis officiis compensarent. Nobis certe omnino probata est honorum alacritas, multis modis egregie declarata, valuitque ad leniendam aegritudinem ea de re intime acceptam. Per hanc vero alloquendi opportunitatem, supremi Nostri muneris vocem jam nequimus premere; atque cum eis ipsis Episcoporum et fidelium expostulationibus Nostras conjungimus quam gravissime. Eodemque apostolici pectoris studio quo sacrilegum facinus conquerimur et execramur, cohortationem ad christianas gentes, nominatim ad Italos, vehementer intendimus, ut religionem avitam, quae locupletissima hereditas est, inviolate custodiant, strenuè vindicent, honeste pieque factis ne intermittant augere. Itaque, hac etiam de causa, continua octobri mense certet optamus singulorum et sodalitatum industria in honore habendo magnae Dei Matri, Adjutrici potenti christianae rei, Regina caelestis gloriosissimae. Nos vero munera indulgentiae sacrae, in hoc ipso antea concessa, maxima voluntate confirmamus.

Deus autem, Venerabiles Fratres, qui nobis *talem Mediatricem benignissima miseratione providit* (1), quique *totum nos habere voluit per Mariam* (2), ejusdem suffragio et gratia, fabeat communibus votis, cumulet spes; accedente benedictionis Apostolicae auspi-

(1) S. Bernardus, de XII praerogativ. B. M. V. n. 2.

(2) Id. serm. in. Nativ. B. M. V. n. 7.



cio, quam vobis ipsis et vestro cujusque Clero populoque peraman-  
ter in Domino impertimus,

Datum Romae apud S. Petrum die VIII Septembris anno MDCCCXCIV  
Pontificatus Nostri decimo septimo.

LEO PP. XIII.

---

## OBISPADO DE SALAMANCA

---

### ESTUDIOS ECLESIASTICOS SUPERIORES

Gracias muy rendidas sean dadas al Rmo. Metropolita-  
no de nuestra provincia eclesiástica de Valladolid y los  
Prelados comprovinciales, que se han servido dar cuenta  
de la creación del Colegio de Estudios Eclesiásticos Supe-  
riores en Salamanca, y ciertamente con frases que no mere-  
cemos: nosotros queremos tributarles público testimonio  
de nuestro agradecimiento y el parabien más respetuoso  
por su celo en seguir las huellas trazadas por nuestro Con-  
cilio provincial, que no son otras más que las señaladas  
por el inmortal Leon XIII, Pastor Supremo y Guía vigi-  
lante del orbe católico.

Nuestros Venerables Hermanos nos llenan de confusión  
dispensándonos la grata confianza de ordenar lo más acer-  
tado para esta empresa, y después de haberles manifes-  
tado en letras confidenciales el programa que pensábamos  
desarrollar, y oído las observaciones de los que nos han  
honrado con ellas, y la aprobación más amplia de nuestro  
Metropolitano, es hora de publicar lo más urgente del in-  
dicado proyecto.

Puesto que los estudios superiores van enderezados á  
la formación de diestros defensores de nuestra religión por  
el cultivo de las ciencias eclesiásticas y cuantas se rozan  
con los dogmas de la fe, debiendo desenvolver este vasto  
plan enlazándole con los estudios de nuestros Seminarios,  
y con la gradación y pulso que las actuales circunstancias  
consienten, aunque hubiéramos deseado tomar su punto de  
enlace del quinto y sexto año de Teología, nos limitare-  
mos por ahora á partir del séptimo, en que el Plan Gene-

ral de Estudios, hasta el presente autorizado, señala por asignatura «Disciplina del Concilio de Trento y particular de España conforme á sus Concilios y Concordatos», materia ó bien diluida en otras asignaturas, ó bien reemplazada y añadida por su reducción con otros tratados.

Dificultades se han de engendrar por lo pronto para este empalme á los alumnos adelantados de nuestros Seminarios, en razón de los diversos puntos que en cada establecimiento se explican en dicho año, pero parece lo más oportuno designar para él la materia transcrita, desenvolviéndola á discreción del profesor, con nociones del Derecho Canónico y explicación de los Concordatos, simultaneando otras materias de los estudios superiores, como los diversos ramos del Derecho y Administración; la Filosofía, la Historia y las Ciencias naturales en relación con el Dogma; y los estudios Bíblicos con su preparación de lenguas clásicas; y el complemento de todos por la Estética. Cada cual podrá cultivar el grupo de asignaturas de sus aficiones, terminándole en dos ó tres cursos.

Por lo que, habiendo oído asimismo á nuestros Consiliarios conciliares, hemos acordado disponer:

1.º Los Estudios Eclesiásticos Superiores se establecerán en el Colegio de Calatrava.

2.º Los alumnos del séptimo año de Teología y sus similares de tercero de Cánones cursarán su año académico en dicho Colegio.

3.º Se abrirán este año en el mismo establecimiento una cátedra de la *Summa* de Santo Tomás; otra de Puntos Filosóficos en relación con el Dogma católico, y que en este curso versarán acerca del *Positivismo*; otra igualmente de las Ciencias naturales, señalando por materia la *Antropología* y responsabilidad moral del hombre; así como las de griego, hebreo, siríaco y egipcio, como primer curso de Estudios Bíblicos; la de Derecho Canónico y Administración, complemento de los cursos canónicos habidos en los Seminarios, y la de Estética.

4.º Serán obligatorias para los de séptimo de Teología las cátedras de *Summa* y una de relaciones de puntos filosóficos ó científicos con el Dogma; y los de tercero de Cánones, mientras se limite su asignatura á lo consignado en el Plan General de Estudios, cursarán lo mismo que los de séptimo de Teología.

5.º Comenzarán los cursos el día de San Lucas, 18 de Octubre, y se abrirán las matriculas del 1.º al 15 del mismo mes.

Dado en Salamanca á 22 de Septiembre de 1894.

† FR. TOMÁS, Obispo de Salamanca.

---

## ESTUDIOS SUPERIORES

Hay un membrete que dice: MINISTERIO DE FOMENTO.—*Dirección General de Instrucción pública.—Universidades.*—Excmo. Sr.: El Excmo. Sr. Ministro de Fomento me dice con esta fecha lo siguiente: Ilmo. Señor: En vista de la instancia del Obispo de la diócesi de Salamanca, y de acuerdo con lo informado por la Junta de los Colegios Universitarios de dicha ciudad, S. M. el Rey (q. D. g.) y en su nombre la Reina Regente del Reino, ha tenido á bien autorizar á la expresada Junta, para que los becarios de Teología y Cánones que, según las prescripciones del Reglamento de la Institución, hayan adquirido el derecho de ampliar sus estudios en el extranjero, en vez de hacer este viaje, que se les conserve la beca con su pensión ordinaria durante dos ó tres años más, con la obligación de matricularse en los estudios superiores de Sagrada Teología, que intenta crear el referido Diocesano en la precitada ciudad.

Lo que de orden del Sr. Ministro traslado á V. E. para su conocimiento y demás efectos.—Dios guarde á V. E. muchos años.—Madrid 28 de Agosto de 1894.—El Director General, *Eduardo Vincenti*—rubricado.—Sr. Obispo de la diócesi de Salamanca.

---

## SECRETARÍA DE CÁMARA

### Circular

S. E. Ilma., el Obispo mi Señor, ha dispuesto lo siguiente:

1.º Los Sres. Curas párrocos predicarán al principiar el mes de Octubre las excelencias del Santo Rosario, y da-

rán á conocer á los fieles el nuevo y caluroso llamamiento que Su Santidad el Papa hace al mundo católico, para que practique esta devoción en los templos y en los hogares cristianos, para obtener por ella el triunfo de la fe, la libertad del Vicario de Cristo y el imperio del orden, de la justicia y de la paz en los pueblos y en las familias.

2.º Durante el mes de Octubre, en todas las iglesias parroquiales, se rezará todos los días el Santo Rosario seguido de la Letanía lauretana, y de la oración á San José mandada expresamente por Su Santidad en la Encíclica *Quamquam pluries*. (Esta oración se publicó en el BOLETÍN de 1.º de Octubre de 1889, y se repartió además á todas las parroquias con el núm. 19 correspondiente también al 1.º de Octubre del año 1892).

3.º Allí donde el Rosario se rece por la mañana, deberá hacerse durante la misa, y si fuere por la tarde, su Excelencia Ilustrísima autoriza y recomienda que se verifique con la exposición menor del Santísimo Sacramento. (El modo de hacer esta exposición está inserto en el BOLETÍN del año 1887, pág. 359).

4.º Solemnícese cuanto se pueda la festividad del Santo Rosario el domingo, 7 de Octubre. Si los recursos de las fábricas lo permiten ó los fieles lo sufragan con sus limosnas, téngase á S. D. M. manifiesto, al menos durante la misa y los cultos de la tarde, y mejor todo el día. En este, y en cuanto pueda ser en los domingos del propio mes, sería de gran utilidad y edificación, que se cantase procesionalmente el Santo Rosario.

5.º En cuanto á nuestra capital diocesana, recomienden los Sres. Curas á sus fieles la asistencia á los solemnes cultos que durante todo el mes habrá en la iglesia de Santo Domingo y especialmente á la procesión del día de la fiesta, repitiendo ellos y todos los Sres. Sacerdotes el saludable ejemplo que siempre han venido dando.

Salamanca 21 de Septiembre de 1894.

**DR. PEDRO GARCÍA REPILA,**

*Secretario.*

---

**SALAMANCA.**—Imp. de Calatrava, á cargo de L. Rodríguez.